

abkauffte/ welches allererst vber drey Jahr hernach geschehen. Vnd zwar hab ich von keinem Traumgesichte jemals/ denn allein von diesem gehört/ daß einen so späten außgang erreychet / vnd vber so lange zeit erst ins Werck kommen.

Fertner / was die sonderbare vnd eygene Träume oder die beyde mit vns auch andere betreffen/ oder die andern Leuten allein gelten/ deß gleichen auch / die den gemeinen nutz oder den gemeinen lauff der Welt anlangen / von denselbigen haben wir droben im ersten Buch genugsame meldung gethan. Jedoch wollen wir gegenwertiger Handlung auch noch dieses beythun / daß diejenige Leut/ welche einerley Gewerb oder Handthierung mit jemand treiben / vnd denselbigen wol bekant seind / welcherley gestalt sie im Traume ihme firt kommen / solche zufall bedeuten sie auch / die denselbigen in seiner Handthierung sollen zu handten gehen. Also träumet auff ein zeit einem Schmidt / wie sein Nachbar / welcher dieses Handtwerck zugleich mit ihm triebe/ gestorben/ vnd wie er denselbigen sehr hinauß tragen: Ditem erfolgete/ daß er inn kurzem von seinem Handtwerck abstunde/ seine Güter verkaufft / vnd an ein ander ort zu wohnen hinweg zoge.

Von den sechs Fundamenten/ vnd rechten grund alle Traum zu vnderscheiden.

## Das II. Capitel.

Wen wird sich diese meine Red dahin schicken / daß mit du denjenigen / welche vermeynen/ daß hiezinn der Fundament vnd vrfänglichem grundes die Träume außzulegen / nit genugsame meldung geschehen/